



Ilulissat, 19. februar 2016

Inatsisartut suleriaasiat § 37 malillugu, immikkoortoq 1 naapertorlugu matumuuna
Naalakkersuisunut apeqqut imattoq saqqummiuppara:

Naalakkersuisunut apeqqut:

1. **Nuna tamakkerlugu arsaattarfissarsuup/Nationalstadion sumiinnissaa
Naalakkersuisunit siunnersuusiorfigineqareerpa ?**
2. **Arsaattarfissarsuup Ilulissaniissinnaanera Naalakkersuisut qanoq
isumaqarfigaat ?**
3. **Ilulissani GU-qalissappat inuiaqatigiinnut, aningaasaqarnikkut
sulisoqarnikkullu sunniutigisinnaasai Naalakkersuisunit
misissorneqarsimappaat ?**
4. **Ilulissani mittarfiup tallineqarnissaa pilersaarutini qanoq inissisimava
aamma talliliinerup qaugu aallartinneqarnissaa naatsorsuutigineqarpa ?**
5. **Mittarfiliorititsernerit, mittarfinnillu talliliinissat pilersaarusrorseqarnerat
sumut killippa ?**
6. **Mittarfilioriternissanut aningaasaliissutissat qanoq tulleriaarneqarpat ?**
7. **Eqikkammik ilinniarnertuunngorniartarnerup aasamiit 2017
Ilisimatusarfimmuit neqeroorutigineqartarunnaarnissaa Naalakkersuisunit
akuerineqarsimavaa ?**

(Inatsisartunut ilaasortaq, Anthon Frederiksen, Partii Naleraq)

Tunngavilersuut:

Naluneqanngitsutut qujanartumillu Ilulissani qulisamik arsaattarfiliornissamut innuttaasut
ilaasa namminneq kajumissusertik atorlugu maannamut ukiorpaalunngortuni
ningaasarparujussuarnik katersaqarsimapput. Pilersaarut aamma danmark-im
ningaasaateqarfiit ilaanniit tapersorsorneqartoq maannamut titartagartai

naammassineqareerput sanaartornissallu aallartinneqarnissaa 2017-mi
siunniunneqareersimasoq.

Taamaattumik naapertuullunilu tulluarnerpaajussooq, nuna tamakkerlugu arsaattarfissarsuup inissisimaffissaa ilulissaniippat. Tassami Ilulissat takornariaqarnikkut, unnuisarfeqarnikkullu siuarsimanerpajuvoq aamma inuussutissarsiornikku pitsasumik inissismalluni. Maannalu hotel-it unnuisarfiillu pioreersut saniatigut aamma allamik hotel-iliortoqarpop. Taamaammat qularnanngilluinnartumik aamma pingaartumik mittarfiup tallineqarnissa piviusunngortinnejarpal, inuussutissarsiornikkut allarpassuartigullu nunatsinnut siuariaataanissa qularutissaanngilaq.

Taamaattumik mittarfiliortiternernut mittarfinnillu talliliinissanut pilersaarutit, aningaasalersuinissanullu qanorpiaq maannakkorpiaq killiffii paassisallugit pisariaqarpoq.

Meeqqanut inuusuttunillu sammisassaqtitsineq eqqarsaatigalugu maannakkut pilersaarutaasut, qularnangitsumik tamanut assorujussuaq iluaqsiisussaapput, taamaammat Ilulissani GU immikkoortortaqarfeqalersinnaappat aamma tamanna tamanut iluqsiissasooq naatsorsuutigineqarsinnaavoq.

Ilisimatusarfik nalunaaruteqarpoq Eqikkakkamik ilinniarnertuunngorniartarneq 2017-imi aasamiit tessani ilinniartitaanernik neqeroorutigineqartartunik qinnuteqartitsinissamut tunngavissaarutissasoq.

Ullut suliffiit qulit qaangiutinnginnerani akineqarnissara kissaatingaara.